

terra era passato suso la Natolia, et lui haver visto partir dil Streto 20 galie sotil, che se diceva tender al Flisco per la impresa di Rhodi; et che l'havia
 219* gitato in aqua in hordine di ogni cossa 60 galie sotil, 40 galie grosse, 50 palandarie, et havia 20 nave grosse con biscotti et artellarie suso, et 50 altri navilii tra fuste, brigantini, et grippi; la qual armada si dovea levar la sera che 'l se parti, a di 6 Zugno, e risonava per la impresa di Rhodi.

Di sier Andrea Griti procurator, provedador zeneral, date a Chiari, a di 4. Come li francesi sono in Cremona; ancora non erano mossi, ma si doveano partir per tutto di 5 dil presente.

Fu posto, per li Savii sora le aque, certa parte intervenendo il passo di Salgareda, che possino venderlo con dar 10 per 100 a uno acusò a sier Antonio Condolmer ditto passo, *ut in parte*. Ave: 150, 13, 3.

Fu posto, per sier Antonio Sanudo, sier Zuan Francesco Morexini, sier Alvixe Bon provedadori sora la merchadantia, che sia prolongà la parte presa a di 8 Luio 1514, compie per tutto sto mexe, che le carisee e pani coloradi venivano di Ponente pagase di dazio *solum* 4 per 100, che prima pagavano 8, et sia prolongà per anni do. Ave 152, 4, 3.

220 *A di 6.* Domenica, l'anniversario dil Doxe, soa Serenità fo a messa in chiesa con vesta di raso cremexin di varo con il manto di tabi cremexin di sopra, con il Legato, oratori Franza, Ferara et Mantoa, la Signoria, et Procuratori sier Antonio Trun vestito di paonazo et becho rosso, il Trivixan va zeneral, et sier Zorzi Corner, sier Hironimo Zustignan, sier Alvixe Pixani, et sier Alvixe Pasqualigo, è nè altri di procuratori vi fue. Et compito la messa, il Colegio si reduce, et fo mandato a comandar scurtinio per far Provedador a Napoli di Romania, *licet* ancora la parte non sia presa in Gran Consejo.

Da poi disnar, fo Gran Consejo. Fu posto, per li Consieri, la parte presa in Pregadi di far per questa volta Baylo e capitano a Napoli di Romania, con pena di ducati poi acetado debbi responder in termine di zorni 3, e partirsi in termine di uno mexe, *ut in parte*. Ave 1386 di sì, 126 di no, 7 non sincere.

Fu posto, per li ditti, la parte presa in Pregadi, dar licentia a sier Zuan Vituri podestà di Bergamo fo eleto Provedador in armada che 'l possi vegnir in questa terra, et che sier Alvixe Barbaro capitano de li resti vicepodestà *ctiam* fino zonzerà il

suo successor zà electo, *ut in parte*. Ave 1392 di sì, 70 di no, 3 non sincere.

Fu fato eletion dil terzo Procurator di san Marco 220* cho sopra le comessarie di *Citra canal*, iusta la forma di la parte; et fono tolli tre soli, quali tutti tre voleno offerir.

1557 *Eletto Procurator di san Marco
sopra le comessarie di Citra canal.*

Sier Andrea Lion, è podestà a Vizenza, qu. sier Alvixe. Li soi offerse ducati 15 milia, portò ducati 10 milia contadi 725.847

† Sier Andrea Zustignan, fo provedador al sal, qu. sier Unfredo; offerse ducati 12 milia, portò ducati 10 milia 904.647

Sier Andrea Gussoni, fo di la Zonta, qu. sier Nicolò; offerse dueati 14 milia, portò ducati 12 milia 811.752

Et nota: el primo andò a offerir fo sier Andrea Zustignan qual offerse et portò contadi ducati 10 milia; poi andò sier Andrea Gussoni et offerse ducati 12 milia, et tutti portò contadi. Poi andò li Bolani e cugnadi altri di sier Andrea Lion et offerse ducati 14 milia, portò contadi ducati 10 milia. Et sier Andrea Zustignan tornò et offerse altri ducati 2000, ch'è in tutto ducati 12 milia. Et sier Andrea Gussoni tornò et offerse altri ducati 2000, ch'è in tutto ducati 14 milia. Et sier Andrea Lion, zoè li soi parenti veneno a offerir, altri ducati 1000, in tutto ducati 15 milia.

Fu fato Baylo e capitano a Napoli di Romania sier Nicolò Zustignan fo provedador sora il Flisco, qu. sier Bernardo; Capitano a Vizenza sier Francesco di Prioli è di Pregadi, qu. sier Francesco che vene dopio, fu soto podestà, si messe a procurar et è rimaso, è di età di anni Dil Consejo di X, sier Zustinian Morexini fo podestà a Bergamo, qu. sier Marco; di la Zonta sier Nicolò Pasqualigo, fo di la Zonta, qu. sier Vetur, qual poi che fu Podestà e capitano a Vizenza in questa guerra, mai ha potuto remaner di Pregadi, che prima remaneva di Pregadi ordinario, adesso mò à roto il piron et è rimaso. Altre voxe fu fate et tutte passoe.